

四庫全書

集部

欽定四庫全書

滎陽外史集卷九十一

明 鄭真 撰

七言律詩

用韻答史闕先生

丞相精忠貫白虹闕曾經日上層空百年獨著山河誓

三闕承社稷功龍鳳宸章華閣表貂蟬畫像綵帷中

餘芳闕制作翩翩錦繡工

太白樓高隔闕

虹樓前流水帶長空枕牀不作繁華夢

翰墨原歸點染功

光寒明鏡裏江山春暖畫圖中

懸知簑笠騎牛處

意悠悠化工

用韻答彥彬

烽火春城正荷戈

闕

清隱奈君何山深興逐雲霞遠

天濶思承雨露多尚使斯民躋泰域未應吾道變頽波

百年且向東風裏釀酒當筵舞太阿

東風日日候鳴珂為問山中近若何坐對一庭桑梓合

笑看三徑菊松多前林日暖鶯遷木隔岸雲深豕涉波  
尚想華堂春晝永管絃雜遝間陽阿

用韻與袁希曾

先正諸孫興未涯東風曾記理征槎關河車騎三千里  
京闕笙歌百萬家紅日當天頭上近黃埃滿路望中賒  
十年歸住滄江水猶憶金門擁翠華

元宵江上觀燈

牙檣錦纜簇華燈上下乾坤破杳冥飛影倒穿千尺水

流光遠散一天星  
警傳砲石邊  
軍肅曲奏笙歌  
海若聽相國有恩民共樂  
好將盛事寫丹青

歲暮寫懷二首

書牀斜倚竹溪虛  
千古風流夢寐俱  
漢祖每資蕭相國  
齊人多賴管夷吾  
林叢月落狐狸嘯  
水國天寒雁鷺呼  
歲暮故人寥落甚  
抱琴祇欲賦歸歟

故國山河戰伐雄  
新亭風景寂寥中  
菁茅寧復供周祀  
蘭蕙誰能繼楚風  
瀛海邊防寒絡馬  
轅門警肅夜縶弓

人間總是經綸手  
彞鼎重刊社稷功

用韻復闕至明

風外游絲著面輕  
困人天氣半陰晴  
董生早受春秋學  
許劭新推月旦評  
閭閻日高天宇濶  
蓬萊山近水雲明  
看花看柳青春好  
莫負東君萬古情

和王子璋見貽

玉燭光浮海宇春  
夾城花柳喜為隣  
長風早報林鶯信  
旭日寒迷苑騎塵  
聖主新耕農務急  
燧人鑽火爨庖新

書生不願繁華樂有待天恩及萬民

海上人家嘆廢廬海邊山壑遍藏尸糠粃豈可供常爨  
飢粥胡能療積飢鵠立形骸僵卧久龍鍾老病却行遲  
九重正有蒼生念清問應須待帝咨

是歲飢饉  
孳甚衆

題邀月軒

嫦娥趣駕上青霄公子開軒慰寂寥露洗杯甕光濯濯  
風生冠佩影飄飄九河垂浪秋情密萬境無塵世慮消  
斗轉參橫人未散欲呼秦女更吹簫

題吳季璋松齋

石上高齋倚碧空，虛簷面面拂空濛。  
龍蛟影動三更月，猿鶴聲傳萬壑風。  
飛翠雨餘浮几席，輕花春暖灑簾櫳。  
先生莫自甘巖壑，廊廟終歸造化功。

高明樓

天光雲影畫圖開，河漢星辰接上台。  
滄海忽驚龍變化，青山常見鶴飛來。  
秋風涼動牙籤架，夜雪聲傳鷓鴣堆。  
自笑浮生塵滿眼，登高作賦媿無才。



和貴司丞雨中述懷

聯壁光輝重萬金功名未許謝朝簪百年正屬風雲會  
一片寧甘鐵石心綵鳳雙飛華閣表征鴻齊度畫樓深  
塤箎唱和今何似請把周詩雅頌吟

東風環佩動璚琳席上歡陪玳瑁簪報國好酬千里力  
持家宜共百年心紫荊堂樹江山遠錦棣園通澗水深  
白日看雲餘興在客邊妙寫杜陵吟

送杜元昌除國子學正

丞相家傳百歲餘  
日臨齋館看雲儲  
綾花尚寶宸章賜  
袍褐親看省檄除  
藻泮晴香瓊液動  
杏壇春暖錦雲舒  
誰憐檇散空山客  
一卷青燈夜屋虛

送戴文祥謝官歸里

草色花香憶故廬  
歸來戎馬厭馳驅  
久知司隸終興漢  
共說夫差昔沼吳  
天濶三江鯨挾浪  
雲深雙闕鳳棲梧  
相過祇欲論時事  
夜半前溪雪棹孤

元老新辭丞相秩  
強藩欲覓假王封  
可憐壯士心全改

誰信忠臣髮上衝  
晉國甲兵千里馬  
吳人城郭五更鐘  
紛紛世事知何似  
高卧長台第一峰

送胡萬戶

滄溟五月錦帆開  
海上傳呼將帥來  
天近扶桑明白日  
風行偃草散荒埃  
金戈萬竈屯飛騎  
鐵鎖千尋伏怪能  
宴犒從容軍事少  
仙人樓閣望蓬萊

送孟宣使回京

星槎使節斗牛間  
蟻酒龍衣尚局頒  
聖主無為開泰治

元臣有命復清班  
雲霞海濶三神島  
日月天高萬歲山  
京國歸承臺閣問  
定須送喜入龍顏

用韻答王以文見寄

廿里松聲寶地涼  
天仙時與共徜徉  
秋闈儼上登科記  
春殿誰傳入奏章  
太白山頭開日觀  
朝元閣上逼奎光  
翩翩欲遂登臨興  
何日天風送佩璫

自笑吾生似服虔  
西窓風雪半牀氈  
清班未得臨丹闕  
禁炬空懷錫絳蓮  
兵甲年深愁老去  
文章官樣許誰傳

相知最有王徵士胡不歸來夜月船

送王子章

南風闔海早歸來青眼相逢一笑開  
綵筆題春雲滿座銀燈照夜月當臺  
樞庭正用蕭張傑賓幕終歸管樂才  
況是故園生意好桃花流水出天台

樞星光帶赤城霞山月寒隨碧海槎  
宥府早看賓入幕故鄉重喜客還家  
曉營獨跨青絲騎夜屋重吟絳燭花  
當世正須文與武皇都不日聽宣麻

送鍾山長

皋比堂下聽談經  
人物風流叶地靈  
甬水東來銀樹碧  
菁江西望蜀山青  
象樽飲福秋傾醴  
牲俎傳餐曉割腥  
官滿三年渾欲闕

題詠春亭

繡柱雕闌面面空  
座間人似杜陵翁  
畫圖不用丹青手  
綠筆爭誇錦綺工  
花柳光輝春雨後  
山川浩渺夕陽中  
元戎不負風流約  
樽俎還看一笑同

王子章以道院迎仙客書堂隱相儒為題以栖字

金字為韻

琳宮瑤宇迓仝期  
弱水蓬萊路不迷  
寶劍光寒珠斗涇  
長裾影動綵雲低  
池深碧藻春龍蟄  
月滿蒼松夜鶴栖  
况有笙簫諧律呂  
好將法酒醉玻瓈

投老星星鬢髮侵  
經綸事業豈無心  
半生獨對孫康雪  
萬里終為傳說霖  
碧草窓前空日暮  
紫薇垣底自春深  
夜來有客欣相問  
賣得文章幾百金

送春

三月繁華一夢中  
都將世事問東風  
荒烟草映王芻綠  
落日花開謝豹紅  
有酒乍聞瑤管冽  
無錢却怪錦囊空  
相逢莫道青春過  
好把春心待化工

山農

種得山中數畝田  
金穰土宜待秋前  
雍熙正屬唐堯世  
大有宜書太史編  
稚子踏車筋力倦  
老妻饁餉鬢雲偏  
不知萬里青天上  
誰奏豳風七月篇



麥秋

天濶黃雲望眼遙  
淒淒隴畝颯風颭  
炎州四月皆蕭爽  
樂歲千家未寂寥  
庖爨香烟渺渺磴  
牀傳響雪飄飄  
不須為作清商調  
自有堯民擊壤謠

迎詔

百萬王師付總戎  
翩翩丹詔紫泥封  
邊庭號令雷霆震  
寰宇恩波雨露濃  
日近中天翔彩鳳  
春深巨海奮蒼龍  
江南宰相如周召  
玉帶金魚覲九重

晚眺

海國逍遙俗累拋  
夕陽樓上俯南郊  
天低平野星辰動  
日落深山紫翠交  
公子罷筵呼去騎  
前軍列寨急征饒  
一聲杜宇歸來遠  
明月光寒屋上茅

送岱山書院陸山長

盛時文治似唐堯  
庠序煌煌碧海遙  
藩省故人多薦列  
瀛洲仙子共招邀  
沙田如草秋無雨  
鹹地浮花夜上潮  
講道從容雲榻靜  
閒將風物寄清謠

送吳侍御福建分臺

聖皇有命建分臺橫榻今歸濟世才天近九重明日月  
地連十道震風雷邊疆警急金戈動江海催程錦纜開  
社稷功勳終有待南州正喜使旌來

永嘉孔正夫生時父母年五十及登第則九十餘  
矣正夫養志不仕明年父母皆死追念不忘為作  
此詩

朱顏白髮壽期頤喜看賢郎射策歸天上恩除承紫詔

堂前歡笑舞斑衣  
椿萱慘慘星霜變  
蓼哀哀涕泗揮  
幸際聖朝新孝理  
徵書行復下丹扉

寄狄季萬戶

翬飛層構近中天  
海上將軍愛靜便  
雨歇晴江拖白練  
雲開畫幃吐青蓮  
神龍夜吼千金劍  
仙蟻春浮兩玉船  
笑我日從華閤過  
東風攜袖祇青編

送柴教諭

玲瓏琚佩颯天風  
三載宮牆教育功  
館閣名高霄漢表

山川妙入畫圖中雲生曉席芙蓉動日射春盤苜蓿空  
書滿却看勝薦剡未應皓首嘆飛蓬

詠四明山送丘太守

赤水丹山古洞天使君丰致似神仙一編曾草孫公賦  
百斛寧論孔宅錢夜鶴林巒啼月露春龍窟穴吐雲煙  
憑誰淨洗蒼崖石寫得芳名後代傳

秋丁美宋尹分韻得南字

宮牆崇苑集朋簪河漢秋高曙色涵  
衮座煌煌瞻粉藻

班行濟濟服朱藍  
笙簫合樂羣鸞舞  
酒醴浮樽萬蟻酣  
已見仁侯昭格享  
咏歌誰得似周南

送吳都督

名勲開國挺人豪  
督府光華日月高  
騎馬嘶雲嚴戢戟  
壺漿夾道迓旌旄  
孔明曾布龍蛇陣  
呂望今傳虎豹韜  
南海功成歸奏凱  
宮花灼灼映恩袍

送王運同

萬里東流鯨海波  
朝家鹽賦有常科  
草窩氣溼蒼烟暗

花醺光寒白雪多已見神功回造化還聞寬政藹聲歌  
煌煌使閭看歸騎縹緲天風響佩珂

絳節輝光海上遙使君政化速風颭烟低野爨民居復  
星列牢盆國賦饒絲筆凝香晨署檄畫旗分影晚聯鑣  
明時有待調羹用勲業終看上九霄

贈張德中

翠幕蓮花晝日妍星郎風致似蓬仙衣冠也拜新朝賜  
翰墨猶存奕世傳海味供懽珍列鼎商聲入律錦成編

雲霄有路丹梯接行看清光近御前

禱雨

碧山深處禱靈淵漠漠精誠上格天不問人間呼蜥蜴  
却看雲表起蜿蜒沙田萬畝禾成囷井汲千家竈有烟  
海角未能忘德澤周詩還許詠豐年

題思孝庵

天外寒峰紫翠重亭亭華表拂空濛衣冠冥漠神遊遠  
俎豆繽紛孝享通宰木含情悽夜雨蓼莪有淚灑秋風



百年遺德輝泉壤行看鸞章寵贈豐

送張宗道

劍佩飄然江海東世家猶得仰遺風浮生浩渺形骸外  
往事繁華夢寐中栗里久聞陶靖節草堂還憶杜陵翁  
物情滾滾如流水今古誰論出處同

貽史文可

文采翩翩錦繡胸百年遺事笑談中王侯欲紀旂常烈  
嗣續多傳譜牒功碧沚烟波空夜月滄洲花鳥自春風

詰綾尚玉瓊瑤軸却愛詞臣製作工

宋故資政殿大學士史公居滄洲十餘年嘗以書勸其兄忠獻王去相位不聽食祠祿以卒理宗賜諡忠宣中書舍人吳泳行詞有曰在熙寧則不黨於熙寧如安國之於安石在元祐則不趨於元祐如大臨之於大防當時士大夫公論見於代言者如此則公之平生出處大節從可知矣予生也晚竊好論著前朝典故及鄉里人物且於兩制之學尤致志焉文可為忠

宣正傳邂逅荒齋語忠宣遺事疊疊不倦信所謂克世其家者因作詩以識良遇且以誌文獻之足徵云

贈陳子雲

德星高照海天涯來問東州第一家金鼎靈丹初結汞  
錦林仙杏正開花神農本草分諸品軒帝遺書積滿車  
想見神功應有報輝輝詞藻散春霞

白石樵隱

巖壑重重藹翠蘿山人獨賦考槃阿斧柯生計寧為拙

軒冕浮榮未足多，夜月每從樽榼醉。  
春風時聽廣廈歌，奕棋仙子歡相遇。  
回首塵寰奈我何。

羅信言十二月廿三立春後一日進見奉天殿下  
得除備用庫大使有詩寄其家用韻

六琯灰飛萬象春，故人百拜覲楓宸。  
瑤階日近恩光接，黼座雲開喜色新。  
綺采朝衫分筴笥，綾花官詔出絲綸。  
書生正在艱難際，莫道茅齋尚隱淪。

送連執中

手捧黃封覲玉墀從容海上舞朝衣棠陰幕府欣相慰  
榕樹家山候早歸宴筍香分柳酒熟庖烹新擘鱸房肥  
高堂太母登眉壽孝養晨昏暫違

送孟先生子重回台州

臯比久矣罷橫經山澤蕭條賦獨醒未許馮唐頭已白  
却憐阮籍眼頻青江關月落悲鴻鴈水國風高墜鵲鷁  
咫尺天台歸路近紛紛黃菊滿籬扃

題湯宣使詩卷內有貢院謁趙六先生之作

賓興詔下五雲浮濟濟衣冠拜冕旒多士正須誇俊造  
諸公當復羨材猷山風蕭颯槐忙日江雨繽紛棘渚秋  
却笑老生空忝竊兩年魁選說明州

送萱上人

飄然湖海一枝簾妙悟如來最上乘萱草堂前稱母壽  
蓮花臺下續禪燈雲深獅象來相迓山近獼猴喚得應  
笑我計偕京闕遠上方擬叩白雲層

賦野航

湖天重屋小於舟  
日日忘機對白鷗  
萬頃烟波隨浩蕩  
百年身世等虛浮  
畫屏影拂紅雲曙  
寶鑑光涵白月秋  
想見黃冠遺迹在  
十洲三島最風流

七月望日黃仲瑱先生計偕錄跋語且以近體詩  
見示因用韻別作一詩以謝

噫噫書聲度碧疏  
秋風座席草堂居  
事關名教非無補  
樂在吾心祇自如  
投老肯為三語掾  
迂時寧草萬言書  
却憐故里遙歸日  
風水松江食有魚

瀟灑溪居映絳紗  
夜窓清影落燈花  
醉聽南海秋風鶴  
夢逐東園夜雨鼃  
蜜梳凝香涼食蔗  
冰盤剖玉渴思瓜  
年來定有天恩召  
講罷紅帷坐賜茶

計偕京闕倦攀躋  
敢意先生賜品題  
蘇子文名煩永叔  
董生才行待昌黎  
百年泰運開天地  
萬丈星光耿壁奎  
夜鉢有傳終為我  
東城風雨許扶藜

附錄黃先生詩

盍簪長恨昔年疏  
白首過從嘆謫居  
已喜潮人師趙



德未須狗監薦相如向來塗抹真成夢老去窮愁好  
著書鄭老襟期更蕭散可能添我共觀魚

雨澗奔泉決岸沙沈沈破屋聽簷花塵編滿室空生  
蠹溼竈無烟祇吠鼃三徑已荒陶令菊一廛聊種邵  
平瓜莫雲迴首西城近何日敲門共試茶

寄方參政文敏

相國東南第一家牀頭遺笏積成車翠茵醉卧莊臺草  
錦幃行看董苑花月落西城人倚劒雲深東海客浮槎

謫居肯作尋常態樂事浮生未有涯

世外繁華蝶夢寒客鄉消息問平安龍文倘憶前朝賜  
鳥篆猶傳舊日刊桑落酒成分寶甕桂花香動駐金鞍  
賢郎有意承堂構寫得新詩紙上看

客邊寫懷二首

天風雜遝響琳球千里長淮賦遠游自愧科名登上國  
多憐歸夢遶瀛洲城笳聲撼芸窓暮隣火光寒草舍秋  
檣散襟期天所放荒臺遺迹認莊周

教官新授得臨淮養拙縣知計已諧險厯岡巒隨地勢  
光看星斗近天街門前上客簪裾集館下諸生硯席排  
深愧不才無補報西風矯首一長懷

答賴上訓導朱明仲先生

某客居臨淮博詢先達將圖為受教之地茲者  
先生不以賤子愚鄙特惠詩箋褒拂過情足見  
古君子之厚矣謹用次韻以答先施異日胥陪  
必曰見所見而去也

蕭然風月紫雲旁  
萬選曾誇翰墨場  
鹿洞師資金就治  
考亭先集錦成章  
衣冠在昔承榮耀  
人物於今賴激揚  
淮水相望天咫尺  
老生願得近輝光

人間甲子已成編  
風雨淮山舊謫仙  
見說大賢傳四世  
從知在野尚多賢  
謝安自有登山屐  
季子寧須負郭田  
莫待老來長作客  
故鄉祇在海雲邊

送胡伯霖歸山居

迺翁作教喜多才  
千里相看一笑開  
椿樹當廳華綵袖

菊花照席壽瓊盃荒烟故壘莊周墓流水孤村惠子臺  
想見傳經深有意春風三月許重來

天台胡先生惟中興教五河其子名景傳字伯霖遠  
來省覲慈孝之情喜見顏面未幾告歸過臨淮訪予  
旅次論及春秋學深相契合因作詩以贈且期後會  
云

九月二十七日早起山川壇風雲雷雨師壇隨班  
行禮因過水瀛洞而回

衣冠濟濟肅周旋  
壇壝天開祀報虔  
想見神明來惚恍  
從知肸鬯格幽玄  
樽罍波湛香浮盎  
几俎星陳胙割羶  
忝後陪班同福祐  
乘風歸覓洞中仙

答潁上朱訓導明仲先生

考亭風月仰英賢  
闕里松楸百載傳  
贈典每承絲誥下  
遺容時向畫圖看  
煙深土鏹朝炊熟  
雪擁茅齋夜榻懸  
相望天涯同是客  
欲將往事話寒氊

芹沼波深採碧馨  
橫經席上照人清  
願同後學瞻儀範

敢望先塋託姓名冰雪寒侵衣絮薄星蟾影共燭花明  
客邊謾說還家樂何日參陪杖履行

題嚴太守雲間卷

浮雲空幻錦芙蓉千里寧留去住蹤山壑凝秋迷使騎  
石臺拂曉起神龍敢云海內恩波浹時許人間步武重  
闔闔春開天咫尺間心安得久從容

憶家中寫懷

野色蒼茫日欲晡海天東望正愁予謾傳杜老憐宗武

敢效韓公訓亞符門掩秋風荒徑菊池深春水近階蕪  
江南正儼歸來早醉倒東風碧酒壺

送蔡復原之京

曾從樞府事先朝淮上移家歲月遙編簡每隨同志樂  
弓旌今受大夫招紅門曉色開天陞金水春寒控御橋  
吏部奏名除目定衣冠入覲仰唐堯

送畢文明之壽州

浮空鸞鶴影飄飄肥水青春遠見招賸有周詩留翰墨



可無杜酒勸瓊瑤董生孝行今何在霍叔流風尚未消  
落日蒼茫賦懷古彩毫毋惜寄雲軺

元宵中都太守放燈作律詩五首

雲霄樓觀聳神京藹藹笙歌出鳳城  
譙漏聲傳終百刻將垣禁弛散千兵  
綵屏有象金城畫火樹開花玉綴纓  
甲第公卿聯戚里當筵不數五侯鯖

萬境無塵月滿天繽紛物象鬬嬌妍  
畫樓映水金蓮吐寶塔擎霄火齊懸  
風外花驄來踔躑裏雲端綵鳳下翩跹

太平盛觀今重見城郭人家夜似年

北極中天正斗杓風流人物共今宵當樓綺綵丹心結  
隔幔琉璃翠影搖龍駕共瞻宸闕近鰲山慢憶海天遙  
憑誰記得雲中曲來向人間叶鳳韶

譙樓門外鼓頻過誰駐春風小小車暗綠籠紗騰馬騎  
深紅翦綵戲魚蝦珠璣粧巧繁奢縱脂粉團香笑語譁  
自媿天涯千里客海瀛何處問吾家

燭花暗結竹窓低星月光寒思欲迷深念老兄居海嶠

更憐舍弟客青齊雲天杳杳王喬鶴草屋栖栖祖逖雞  
想見孱然小兒女淒涼慈母共中閨

擬題瀛洲夜宴圖

濟濟衣冠十八人同僚氣誼靄相親蓮花漏轉銅壺夕  
竹葉香浮寶甕春蠟炬搖紅風力淺翠帷生白月華新  
燕娛未許成沈醉有約明朝觀紫宸

用李廷瓊寓中都口號韻三首

淮海茫茫春水波夜涼珠樹月明多講帷每訝華筵秩

御道曾聞翠輦過天濶九重開玉殿星臨萬戶帶金河  
謫仙自是文章伯聽履須應上諫坡

錦繡河山遶帝京南來為客最多情芸編慢憶三千牘  
桂籍空慚第一名燕寢聲傳城柝近鮑窓涼透水雲輕  
知君正得青春樂有約清樽對月傾

淮南草木兩逢秋夢憶蓬萊海上洲雲遶觚稜瞻象魏  
天開壇壝識郊丘儒家冠闕何由報聖代賢科幸見收  
千里正須歸去早野田春水飯耕牛

題五河安淮驛遠碧亭

淮山遙送一螺青，悄悄雲煙入杳冥。  
簷外竹風醒鶴夢，座中花雨挾龍腥。  
瑤環雜遝天仙下，鐵笛咿鳴水若聽。  
使者船稀官事少，石牀孤坐夜觀星。

用方同知西山幽居韻

屋下清溪屋上山，碧窓深處玉人間。  
巖花掩映春雲裏，林樹參差夕照間。  
詩律要令如李杜，畫圖覓得似荆關。  
平安欲問蓬萊信，夜月天空跨鶴還。

地闢嚴陵山上山逢時應不許投閒舉頭紅日層穹上  
信步青雲咫尺間果熟山猿來裊裊花開啼鳥聽闌闌  
仙家近傍溪清淺頻許長生鍊大還

春山曉思圖

滄海蓬萊萬里遙畫欄人立翠岩堯簾櫳影落蛟門島  
枕席聲喧蟹浦潮花吐千巖攢綺綵鳥鳴雙樹合簫韶  
仙家指點空青外酒熟須煩折簡招

貽祥符古芳禪師係饒州三洪子孫

梵王樓閣五雲重縹緲溪山錦繡中自信莊嚴非實相  
誰知妙有即真空蓮燈深映禪龕月花雨紛飛講席風  
笑我忝為方外客世家應解說三洪

瑞州蕭彥良久客寧夏既歸省母則其妻已死遂  
攜子以行其妻弟喻孟良求詩以贈

邊庭西望李王朝萬里晴沙雪未消曉鏡孤鸞心悄悄  
春暉寸草夢迢迢穹廬飯早燒黃鼠古漠衣寒製黑貂  
應有外家憐宅相離情遠逐暮雲飄

偕方同知遊二郎廟

碧山深處藹琳宮，牲俎春秋祀報同。  
鳥雀林深雲淥淥，龍蛇壁暗霧濛濛。  
香飄合殿精靈聚，風語中帷肸鬯通。  
見說邦侯催入覲，周詩福祿侈歌工。

游南巖詩

并序

洪武乙丑三月初四日上饒文學掾會稽徐仲  
告教導廣信歐陽君暮二先生招予過巖遂與  
周先生宗文出南門渡浮橋蛇行十五里山徑



曲折巖崖峭絕諸峯羅列狀如覆盂一洞深豁  
可容千人仰而盼之其勢若壓唐僧大義建寺  
已數百年洊經兵難而殿宇舊制尚存豈神明  
護持力耶宋元豐至景德咸淳及元大德至治  
間諸公若辛稼軒朱考亭韓元谷暨四明鄉先  
達宦遊者趙子深英叟汪闕樓闕程先  
生敬叔多刻名石上寤懷先哲有往者莫作之  
嘆縣學生徐升應保置酒沾醉而歸時日影欲

夕禽聲爭喚窮幽攬勝殆不知登頓之勞也賦  
律詩三首示斯文同志用以寓留連光景之意登  
高能賦之士其亦有所感發哉是行也小兒復  
昇與諸生暨執事者凡三十餘人辭疾不屑者  
訓導貴溪傅先生原綱永豐周先生子明游先  
生用文云

深樹冥冥不見天山中我欲謝塵緣逢僧為問三生石  
對客先嘗一滴泉茶竈燒烟衝鶴夢松溪洗鉢覺龍眠

磨崖試讀題名記先哲風流幾百年

七級峯高悵莫登老來祇為力難勝溪深鸛鶴飛來近  
木杪猿猴喚得磨疏鑿神功開歷劫流傳佛說妙三乘  
近來學得長生訣欲採松花和蜜蒸

樹影重重日漸西春風送我上丹梯水深農務催黃犢  
徑曲人聲雜畫眉面壁孤僧心似鐵傳觴衆客醉如泥  
簪裾多幸斯文共石上須將姓字題

和陳推府公長民出郊四首

關

附錄陳推府出郊律詩

雨歇山晴鶯亂飛  
水清沙暖日暉暉  
竹籬綠路酒帘出  
野樹漲陰梅子肥  
千里鄉心隨夢遠  
一春樂事與人違  
年華過眼慙無補  
零落青衫尚未歸

題文江卷

松窓高倚碧崔嵬  
滾滾長江天際來  
春雨半空龍變幻  
暮雲千里鶴飛迴  
神仙入海鸞車駐  
慈母升堂燕席開  
憲府從容歸未得  
綠陰清晝賦南陔

西江遙望白雲層  
萬里光輝近玉繩  
地脈聚靈多俊傑  
天潢演派見孫曾  
懸崖鳥道秋風杖  
隔岸漁家夜雨燈  
山水娛情吾欲去  
老來雙鬢雪鬢鬢

松竹庭階舞袖齊  
錦萱開傍繡簾低  
鸞刀縷切魚成膾

翠釜珍烹鹿進觴使節增華催入幕天恩有待賜封泥  
江花江水春風裏落日遙聞唱大堤

寄弋陽杜知縣孔傳

名家奕世一經傳嗣續今逢百里賢夢草石牀過夜半  
種花山縣及春妍耕桑滿野躬親勸圖籍充庭手自編  
笑我異鄉同作客一樽試與話朝天

貽弋陽主簿林敬伯

學省中都接帝庭襟期多幸共談經可應絕筆傷麟獲

自許聞韶叶鳳鳴綺席笑傾春酒碧雲牀憶對夜燈青  
老來撰述成何用未德堂深問勒銘

弋陽主簿林敬伯出示會試錄而吾臨淮學生桂  
滿預焉諭知已登高甲授官隨朝喜而成詠

耿耿奎星粲曉光科名淮海破天荒芸編鼓勇三餘學  
棘院雄誇百戰場內仗喚朝聽舜樂綸音報可拜堯章  
少年早際文明運好把丹心答聖皇

折桂還誇姓桂人天風聽履上星辰鳳鸞飛翥金門曉



鵷鷺聯翩玉殿春  
制草封緘頒巨軸  
宮花拂席耀重茵  
老來笑忝師傳舊  
客底多煩送喜頻

聞方同知入朝還府

玉佩玲瓏上玉除  
天顏咫尺聽都俞  
鵷班同致堯年祝  
鸞閣親登禹貢書  
上冢還家分折俎  
建牙開府候過車  
別時許得新冠帶  
應費囊中月俸餘

玉筍班齊肅靜鞭  
笙簫雜遝聽鈞天  
雲低雉扇開三殿  
日射龍帷壽萬年  
蜀綺翦花分綵勝  
閩柑釘果賜瓊筵

多才竟上椒盤頌匹馬歸來話日邊

玉山柳都勒巡檢間有相知之契作律詩以寄

憶昔同聽吏部銓客鄉想像夜燈前河汾謾說文中子  
京洛還誇賈少年雲透溪窓青簡帙月高巖岩寶刀懸  
盛時材武需經濟來認秋風博士氈

題槐庭

白日高堂正綠陰座中賓客盡華簪門闌預儼公侯識  
嗣續寧忘舉子心碧落晴看雙鳳下清風晚聽一蟬吟

南來千里難為客勝賞何由杖履臨

題梅隱卷

山南山北種梅花何似西湖處士家  
鐵石誓同堅節操軒車寧復慕榮華  
瑤琴曲奏宮商叶畫角聲傳夢寐賒  
獨鶴歸來天萬里笑看疎影上窓紗

榮陽外史集卷九十一

欽定四庫全書

集部

榮陽外史集卷九十二

三

詳校官編修<sub>臣</sub>翟槐

中書<sub>臣</sub>劉源溥覆勘

總校官降調編修<sub>臣</sub>倉聖脉

校對官典簿<sub>臣</sub>郭祚熾

謄錄監生<sub>臣</sub>徐葆

欽定四庫全書

榮陽外史集卷九十二

明 鄭真 撰

七言律詩

趙通判煮雪窩詩

一鎔松火敲初紅  
座席春迴造化功  
每笑詞臣慙黨尉  
多煩諫省寄盧仝  
銀葩散彩蟲聲撲  
玉液生香蜎竅通  
身世不隨流俗化  
飄飄清思渺空濛

用方參政文敏述懷韻五首

塗山禹會帝城深翠輦曾紆御步臨玉帛流風傳往昔  
夜冠盛治覩于今直言每羨劉蕡策遣興多慙杜甫吟  
矯首城南天尺五大明當寧廓羣陰

雲氣蓬萊咫尺間太平盛觀喜開顏象犀南貢踰銀海  
騏驎西來度玉關多士曾承前席問將軍正奏凱歌還  
才華獨羨瀛洲客不數淮南大小山

黃道天開曙色浮瀛仙催覲紫雲樓未容四皓歸深隱

寧許三閭賦遠遊河漢星辰瞻北極風沙海島望東州  
傳家自有康成學睿覽終當徹帝旒

禁城秋水映芙蓉甲第煌煌綺繡重麟趾已聞歌聖化  
虎頭還見擬侯封周南太史憐司馬洛下耆英憶邵雍  
尚有前朝勲伐在雲霄不日慶從龍

淮南草木正高秋千里長懷宋玉愁濠水橋梁通廣運  
滁陽關險接清流芸編辟蠹香猶潤瑤軸生輝墨尚浮  
莫道遺珠滄海濶老成仍許占鰲頭

再用韻五首

山河蕭颯正秋深，想像誰將粉墨臨。  
形勝萬年誇自古，風流三傑數斯今。  
甘泉欲奏揚雄賦，梁甫新成葛亮吟。  
客底不禁形影隻，翦燈愁坐月庭陰。

雅志由來丘壑間，逢人談笑強形顏。  
江山路遠愁千里，河漢雲深悵九關。  
漢署馮唐寧老去，羌村杜甫定生還。  
故園消息西風暮，望斷瀛洲海上山。

落日滄茫海氣浮，多情祇欲賦登樓。  
陶潛久有歸田興，



吳札寧忘上國游  
玉室金堂誇福地  
丹山赤水記明州  
同鄉漫憶同年友  
冠佩鏘鏘侍主旒

晴山空翠削芙蓉  
迤邐長淮百萬重  
周禮職方煩載牘  
漢家湯沐趣行封  
文明廣被聞絃誦  
禮化旁流詠穆雍  
亦有滄江千里客  
夜看劍氣拂蒼龍

編年二百魯春秋  
舒卷寧忘楚客愁  
聖意可能參筆削  
師承聊復記源流  
草窓短褐風聲透  
土屋孤燈雨氣浮  
富貴自行天所付  
珥簪敢望立螭頭

用韻夏原威述懷七言六首

雉堞煌煌壯國都移家住近月明湖  
秋風籬落花長好夜雪庭階草不枯  
烟遠山庖供晚爨雲春野碓急秋租  
浮生已付形骸外何羨商巖隱者徒

山氣龍嵒旦夕佳萬年形勝覽河淮  
雲開畫幃尊壘列日近晴窓硯席排  
吳郡張翰頻發興荊州王粲獨傷懷  
太平久已邊聲息笑指台纏近秦階

霜寒碧落曉鴻鳴久客何堪夢底聽  
淮海雪晴拖練白

荆山雲暖送螺青長卿多病愁仍在阮籍窮途醉不醒  
何似隱君松竹裏焚香閱世了殘經

滾滾浮塵上客衣登臨祇欲賦將歸黃鐘大呂遺音邈  
白雪陽春和者稀山木寒聲風滿壑渚蘋晚色水浮磯  
采芝應念青雲客談舌紛紜總見幾

制草須曾擬玉堂樂歌亦復用霓裳馬良謾說看純白  
韓子多憐鬢已蒼霄漢沾濡欣雨露關河涉歷怕風霜  
相逢青眼誰知己欲吐平生錦繡腸

山川遠作子長遊風雨難忘宋玉愁  
舊日封疆誇半楚  
盛時禮樂覩姬周  
曉庖每笑塵生甑  
夜榻空憐月滿甌  
滄海東頭波浪濶  
依依清夢繞瀛洲

送洪毅夫

佩服翩翩映紫霞  
東風千里望還家  
靈丹夜長黃金汞  
仙杏春開錦繡葩  
天闕政須依日月  
雲程從此隔塵沙  
袖中況有青囊祕  
莫道流年兩鬢華

和劉太守紀懷

龍杓光照上元初燕處從容視篆餘五馬春風晴簇仗  
九重曉色瑞充閭藜燈高照青雲步鴻寶猶傳素篋書  
自笑孟嘗門下客彈歌寧歎食無魚

送應德中上任

家住天台第幾峯年來為

闕

容郭熙每說丹青手

李白仍誇錦繡胸曉榻塵編揮玉麈夜牀寶劍拂蒼龍  
幕官掌故非輕授定有聲名動九重

送朱元助上任高唐典史

蓬萊東望海天隅千里淮山賦卜居夜月蟻香芸屋靜  
春風蝶夢竹園虛公車寵赴京都召賓幕恩承省部除  
形勝中原誇自古浮雲蒼野覽青徐

學中與諸公飲酒分韻得晴字

藻蘋波光漾午晴煌煌庠序藹簪纓樽前未覺劉伶醉  
席上還推許劭評翠釜傳庖誇禁臠銀刀斫鱠勝侯鯖  
斯文共際千年運擬詠菁莪樂太平

送胡彥通迺常往西京大同府

鴈門西望是雲州風雪飄飄萬里遊  
蕃漢封疆空舊壘  
遼金冠蓋總荒丘  
邊聲暮走龜茲曲  
日色寒欺季子裘  
堂上乃翁如問訊  
為言衰老盼瀛洲

詠周克復先生三友軒

松竹依依政可憐  
玉葩況復覩清妍  
江湖歸老成三益  
泉石相輝共百年  
黃鳥有聲春冉冉  
翠禽無語夜娟娟  
人間正熟繁華夢  
幽意從今莫浪傳

和李推官勸農日詠花籃韻

花神送喜碧雲籃華髮蕭蕭莫浪簪一曲山香垂舞袖  
雙頭國色駐飛驂珊瑚網出春波艷錦繡囊傾午席酣  
過眼未須誇富貴故園有夢過江南

送陳君祥上任襄陽府照磨

每讀南平舊勒碑襄城風物思依依小兒謾唱銅鞮曲

貪將曾誇玉帶圍

呂文  
德事

水滿檀溪寒月上天低峴首翠

雲微幕官九載應多暇往事毋令勝賞違

送嘉祥縣主簿



麟紱由來紀地靈  
宣尼絕筆載遺經  
千年已見河流碧  
萬里遙看岱嶽青  
鸞鳳林低棲棘枳  
鯤鵬海濶奮空冥  
春花滿縣歸來日  
玉佩玲玲月下聽

送廬陵郭氏怡怡堂

棠棣花開曉砌空  
塤簾度曲奏春風  
綺筵每愛樽罍共  
繡被多憐寢席同  
鸞鳳聯飛雲出洞  
鴈鴻相近月當空  
德星早應賢才聚  
雙壁終看奉帝宮

寄咸陽知縣臧九疇

篝燈夜雨共論心鼓角聲寒玉漏沈趙國竟全和氏璧  
不疑寧取舍郎金花綾賜詔龍廷近綵筆凝香燕署深  
聞說孔君碑更好人來煩寄客窓陰

送盧文剛

矯首丹丘海上山布衣每欲謝朝班百篇藻翰真無敵  
萬斛牙籌祇等閒彭澤傳聞陶令去羌村報道杜陵還  
林泉未許終蕭散有待明廷召賜環

用萬玉麟先生端午韻四首先生臨淮知縣公父

也

椿庭孝養舞斑衣玉律凝賓正及時毛義已應稱孝子  
惠連終不似常兒淮魚細斫銀絲膾閩果新供錦荔枝  
海上仙山如可到便從王母醉瑤池

蘭湯浴罷試羅衣樽俎風流記一時青眼每憐題柱客  
白頭今見起家兒五聲宛轉歌桃葉雙袖娉婷舞柘枝  
淮海從容京闕近置身如在鳳凰池

上帝恩榮擬賜衣百年永負太平時政須寶幃開雲母

從使新聲教雪兒竹底行庖烹玉柱花邊聚佩雜瓊枝  
翰林帖子誰供奉香染羣公洗墨池

山中結綬上王畿四十年來不遇時空使莊生迷蝶夢  
解令杜老憶熊兒客窓影透榴千葉仙窟香餘桂一枝  
澤畔獨醒慙楚屈朱門何處酒成池

見山草堂

滿徑霜花錦綺斑開門忽復見青山寧知淮海滄茫外  
如在柴桑遠近間白鶴孤飛雲出洞蒼鷗相逐水流灣

客來欲問悠然趣縹緲天風颯佩環

送何主簿權河北稅畢還睢寧

故家文獻春秋學盛代賢良甲乙科麟獲久聞探魯狩  
鹿鳴今許聽周歌九重宮闕恩波近千里河淮貢賦多  
跨馬歸來公署靜木犀香裏候鳴珂

送分教戴汝莊奉旨還京

四明戴剡源先生以文行稱著在國史其從孫  
汝莊好學能文為國子生奉旨分教中都徐之

蕭邑縣大夫而下咸敬禮之踰二年天官復召  
還過臨淮以契家之厚作詩贈之

江海名家閥閱重文章多說剡源翁雲仍尚喜風流在  
鄉社還憐契誼同講席三年垂絳帳征途千里跨青驄  
天光咫尺雲霄近獻賦終當徹帝聰

送分教陳宗穆奉旨還京

四明奉化多舊家大族陳宗穆氏自其父祖以  
上女婦以節守者五人縉紳士大夫樂稱道之

宗穆讀書能文克紹先烈由郡府選薦為國學  
生分教彭城沛中子弟樂從之既二年奉旨還  
京過濠梁以鄉里之契作詩以贈云

壁水衣冠被寵榮沛中分教育羣英容擅不廢三餘學  
家閥猶存五節名汗竹光寒秋月白碧芸香暖午風清  
檄書催入天官選金殿當頭覲聖明

用韻答樊孟學

天開泰運廓人文江海風流喜識君千里立鴻翔碧漢

三山彩鳳駕紅雲菊松晚色吟壇共芹藻晴香講席分  
百歲襟期承許與前修何必慕崔羣

金湯形勝觀中京宮闕煌煌萬雉城司馬自為題柱客  
終軍本是棄繻生久聞雞黍原同約須信鹽梅可作羹  
矯首夾壇仙跡近月明來聽步虛聲

再用韻簡沈文舉

夜窓曾憶共論文翰苑聲華獨許君萬里光搖瀛海月  
半牀氣溼楚山雲瓊醅戰蟻清盃泛玉饌行庖翠釜分



橋梓一門華晚節旌招當復似陳羣

早向吳淞數俊英移家住近鳳陽城蜀中自古稱揚子  
洛下從今重賈生共說相門頻吐哺終煩御手為調羹  
九重步武星辰近好聽春風玉佩聲

用向知事韻律詩二首

床頭舊笏積成車閱閱前朝識故家翠墨香濃廷疏草  
綠毫光動誥綾花濠梁雁過風生壑歸峽猿啼月印沙  
將母不忘千里念周詩應假賦皇華

松桂山中夜月涼  
碧天西望峽雲長  
帝鄉旅泊春秋老  
使幕賓陪旦夕忙  
蒼鏡啟匣驚鬢白  
朱衣引騎迓腰黃  
幸逢四海文明日  
霄漢終看彩鳳翔

借韻二首奉呈賈通判令尊翁先生

岱嶽青齊碧海涯  
伏生故里有誰家  
秋風不用傾桑落  
曉露須煩看菊花  
賸有聲名傳歷下  
共稱詞賦比長沙  
客鄉喜遇忘年契  
相約雲端望翠華

年逾七十鬢成霜  
甲子從容化日長  
堂上政須誇福壽

人間不必論閒忙  
霜天稻熟魚烹鯉  
雨夜橙香蠅擘黃  
衣綠已聞成樂養  
風雲有路看飛翔

送洪太守上任淮安

九重詔啟紫泥封  
太守新除馬首東  
從使淮陽尊汲黯  
解令蜀郡化文翁  
黃陰堂覆甘棠日  
皂蓋香飄細麥風  
有待政成書上考  
佩聲催覲大明宮

送陳德俊歸天台

前朝冠冕認貂蟬  
勁正堂深月滿天  
共覩甘棠存舊笏

從知汗竹有遺編衣冠幸際千年盛禮樂須徵百代傳  
珍重先公曾撰述殷勤擬寄白雲邊

天台陳德俊氏白雲半間繼遠父之子故宋詹事獻  
肅公八世孫也獻肅逮事孝宗以雄文直道簡在帝  
心手詔獎諭有勁正之褒公取其二字以名所居堂  
嘉禾聞人阜民實為之銘元至正間真先君子求我  
先生嘗得而讀之嘆其雄深雅健足以稱公之德因  
繕錄著跋語致景仰之思今已二十餘年矣載在家

集讀之慨然際聖運肇興以鄉貢典教臨淮與繼遠  
相遇問及家世知其以獻肅七世孫出後王氏者也  
繼遠恍念先緒不可中絕使德俊歸復陳姓是所謂  
知本者也繼遠居濠梁十年德俊以時來省遂得併  
交其父子德俊天姿秀整勤敏過人嘗讀獻肅家集  
有上皇太子書稱太尹閣下者竊疑焉真語之曰先  
宋故事有以皇太子尹京者所以尊國體重民事也  
宋史乾道七年春二月立恭王惇為皇太子夏四月

詔皇太子領臨安尹周益公在翰林當制入直夜半  
承命草詔御墨猶溼詫為榮遇獻肅乾道名臣所稱  
太尹即其證也時在座者浚儀趙先生木仲文獻老  
成系出天族深以予言為然嗚呼故家子弟有原伯  
魯之誚久矣其有德俊之賢克志其家學者乎一日  
德俊侍繼遠歸言別賦詩為贈併書此以致意云洪  
武十一年歲在戊午四月既望鄭某謹識

寄萬玉麟郡公

佳兒作郡樹雙旌上國遙傳月旦評三釜瓊羞成樂養  
九重花誥盼恩榮高風願下陳蕃榻往事寧誇李愬兵  
海寓一家文啟運祇將歌頌答昇平

淮南千里未還家五十相將鬢欲華夜雨清尊歌伐木  
春風綠筆夢生花濠梁勝觀宸都壯汝水晴輝客路賒  
矯首天邊青鳥使殷勤有待寄雲霞

遊碁盤石

逍遙何處覓碁仙甲子人間不計年御氣夾城通漢闕

河流到海亘淮天鶴巢琪樹秋應到龍護珠宮夜不眠  
寶鼎丹砂成九轉道人應許共談玄

送楊德貞

學省煌煌映壁奎諸生冠佩雁行齊桂香秋老蟾蜍窟  
芸席春深燕子泥已有才名登闕下須將勲業繼關西  
振衣南上京華路矯首青雲百尺梯

次姚宗文貽沈文舉

太守中都愛育才南風五馬散荒埃香分魚藻賓筵秩



詩奏菁莪教席開杜子敢辭安石聘趙生端為退之來  
清秋有約絃歌暇杖履同登惠子臺

華髮相將愧不才客衣時復浣塵埃久憐夜雨寒燈暗  
重喜秋風馬帳開宸闕天高看獨步宮庠地近候頻來  
星期好迓緱仙駕一曲鸞笙月滿臺

王荊公在鄞日嘗聘鄉先生杜醇入學事見公文集  
韓文公守潮命趙德為師自是潮人篤於文行文舉  
以今太守命教導弟子員師道之重當以古人期之

再用韻三首貽文舉訓導

盛世文明教俊才襟期冰雪謝氛埃半窓白月芸編啟  
一榻松風竹洞開跋燭疑酬前席問抱琴且為廣文來  
芹邊亦有追隨樂笑殺歌樓擁肉臺

翩翩雲錦屬多才灑灑清飈洗俗埃舊典好抽金櫝秘  
玄關政待玉匙開須知佳士經題品莫道諸生勸壽來  
矯首京華天咫尺梯空看上鳳凰臺

臯比掌教本非才苜蓿盤空几席埃帝闕仰瞻三殿出

仙山遙望五雲開，多煩上客公車過。  
共迓先生聘幣來，藻類生香冠佩集。  
錦篇新擬柏梁臺。

答黃仲貞老先生見寄

老來未肯負春心，風致還如李翰林。  
遣興每餘樽內酒，賣文時得案頭金。  
杏花壇近紅先透，楊柳橋低綠未深。  
有約東園須一到，不煩折柬特相尋。

淮天久客思漫漫，風雪那禁二月寒。  
江海愁吟憐杜老，林山僵卧隱袁安。  
故園風物煩相問，上國光華許共看。

桃李已傳春蓓蕾多情休惜蟻樽乾

送薛同知還潁川

捧檄來司鎖鑰重紛紛出納敢論功  
倅廳久荷君恩重公帑頻誇國賦充  
濠上觀魚波渺渺潁陽歸馬路匆匆  
終南舊隱還無恙瑤草春生淺碧叢

壽李太守

煌煌南極耀晴空壽祝中都太守公  
政化舊歌周召伯才猷咸仰漢文翁  
繡筵香泛金樽碧華屋光搖畫燭紅

桃李東風春似海  
衣冠催覲大明宮

寄烏繼善先生

紅心驛外望家山  
颯颯西風兩鬢斑  
繫雁書成霜滿地  
飯牛歌罷月臨關  
謾傳海外蘇仙死  
終許羌村杜老還  
客底不知强健否  
何時訪我白雲間

送鳳陽李太守朝京

龍袞煌煌咫尺天  
侍儀雙引選班聯  
虞廷共仰明君聖  
漢室頻誇大守賢  
內宴恩承瑤席醴  
宮袍香染玉爐煙

鶯花淮海春三月五馬東風候早還

寄汝寧萬太守

闔閭門開日月高天顏喜動紫宸朝雲隨鳳輦喧歌吹  
風靜鸛班颯佩瑤華饌割腥傳綺席碧香湛露賜金瓢  
汝寧太守歸來日濠上停車聽楚謠

公館春深燕子飛甘棠晝靜漾晴暉已成天上羣龍會  
還羨雲邊五馬歸星漢文章承黼黻宸廷禮樂觀雍熙  
長才正要司鈞軸有待回班舞綵衣

寄萬玉麟

不見先生又一年  
聯翩詩句許誰傳  
龍文賜誥春天上  
蟻酒清樽夜月前  
花館聲遲蒼玉佩  
芸窓香襲紫茸氈  
賢郎歸自朝京日  
聽取南陔奏管絃

三月廿四日會飲於姚先生宗文家時在座者以  
齋黃先生文竹夏先生野亭沈先生仲良陳先生  
列坐以齒行酒侑食仰獨山之高俯長淮之深燕  
笑一日之間有足樂者黃先生起論山川形勝因

及曾楊之學賦詩一揮而就老成特達其何可及  
耶因次韻於後紀勝集云

名家見說十年前冠蓋欣同錦繡筵帝里九重瞻漢闕  
客鄉千里樂堯天香浮磁甕春傾醴火熱山庖曉斫鮮  
醉後誰傳砂法秘振衣欲去且留連

題秋林卷

山色滿簾空翠飛蕭蕭籬落傍清溪菊花試把金盃泛  
柿葉頻將彩筆題夜月夢回緱嶺鶴晚風吟伴宋窓雞



百年未負林泉志祇恐天書召紫泥

送宿州同知胡仲立升授鳳陽府通判致仕還里  
彤廷曉日射朝衣喜動天顏得賜歸玉饌行庖仙蟻泛  
金泥賜誥彩鸞飛子陵江海心長戀彭澤田園計弗違  
耆舊多憐青眼顧恩光還訝近來稀

送劉子機入覲

春風冠佩共周旋為愛文章錦繡妍千里貢輸登禹甸  
九霄步武仰堯天家山久羨神仙宅仕路頻誇吏部銓

漫說老來雙鬢白龍鸞賜詒擬歸田

贈馬良卿長史朝京

京國翩翩步武重天高河漢挹空濛山中長望秋雲白  
海上遙看曉日紅賜宴恩濃金鑿落朝班聲候玉玲瓏  
還家拜捧綾花詒鶴髮萱堂笑語同

聽竹軒

蒼雪紛飛白晝陰乾坤清氣覺蕭森秋風環佩湘江香  
夜月笙簫嶂谷深欹枕不成蝴蝶夢揮毫長叶鳳凰吟

老來亦欲依泉石與子同觀太古心

贈沈大使茂立蕭副使叔達共三首

蓬萊高閣望滄溟  
隱約仙家喚即應  
鶴騎帖雲迷遠近  
蜃樓成市幻空冥  
扶桑日射珠璣窟  
沙島天開紫翠屏  
想見此時胸次濶  
別來夢繞夜燈青

海東見說登州硯  
點點金星纈錦雲  
若使老蟾分一滴  
便令脫穎掃千軍  
詞臣應詔曾攜直  
騷將登壇預策勲  
要與虛中長作伴  
山房試問沈休文

名家述律挺賢豪千里濠梁喜見招日月光華瞻帝里  
風雲咫尺上仙橋每誇給事登廷陞却訝征商近市朝  
何似吳興山郭夜水晶宮裏聽吹簫

咏鑊鉚山送賈通判

倅廳南對鑊鉚山空翠紛飛白晝閒寶氣暗埋巖壑底  
神光直上斗牛間清波淬石存金鐫遠岫生風響玉環  
前席如承宣室問為言形勝似商顏

用韻答史濟川奏差見貽一首

風雨黃花一徑殘  
客鄉懷抱且須寬  
山醅不用玻璃碗  
葉鶯誰供瑪瑙盤  
蠹簡未終憐日暮  
貂裘已敝怕天寒  
帥垣使者歸來早  
錦繡囊傾得笑看

贈董士勉歸海州併問訊劉貢寓學正

風雲浩渺泛靈槎  
三徑歸來菊有花  
疏廣宅東天入海  
龍且城外水囊沙  
賓筵且復成娛樂  
帝闕終須拜寵嘉  
好語費宮劉博士  
休將簡策問生涯

寄晉原縣丞王叔潤兼簡主簿董仲石

青霞仙子最風流  
關陝山河紀壯遊  
鳬雁影高山日曉  
鶴笙聲杳塞雲秋  
百篇體製諧金石  
兩考才名動冕旒  
客底未忘青眼顧  
欲憑鴻雁寄綢繆

二妙才名識者稀  
同僚濟濟赴襟期  
庭中欲結王生襪  
講下誰趨董子帷  
少妓當筵歌窈窕  
阿蠻洗盞醉淋漓  
長淮應有相思客  
坐對空階月上時

臨涇望望塞城遙  
土屋人家晝寂寥  
南土衣冠憐謫宦  
西征鐃鼓訝歸朝  
月明古戍悲玄鴈  
風落平坡急皂雕

想見縣官能化俗邊頭立馬聽歌謠

馬屯山外落疎星千里平涼路杳冥遠近封疆誇俗習  
古今人物慨英靈石煤爇得牲庖熟瓦缶盛來湏酪腥  
風景須憑詩律寫試諧笙管月中聽

永思庵

翬飛華構近青山沙水重重罨畫間孝感慈烏馴不去  
神遊化鶴杳難攀縮茅誓許精誠徹扳柏那禁涕泗潛  
巖谷鶯花春似海萊衣想像舞斑斑

又

龍穴憑誰闡地靈音容邈邈嘒泉局象形欲刻丁蘭木  
家教須傳長孺經露洗松楸紛濺淚星羅俎豆肅惟馨  
山川佳氣從今始恩誥疏封仰帝廷

遣懷示兒復升

余自九月初至十月末舊疾交作心腹痛楚腰  
背拘攣日常嘔逆老年客居困苦無聊作詩遣  
懷示兒復升兒年始出幼方務學於人事絕未



通曉僅可備朝夕使令飲食起居恃以為命  
而輦成縣主簿鄭伯厚薦為習學詩春秋二經  
及身言書判至煩吏部奉內府勘合起取欺天  
罔人莫此為甚遠鄉羈旅父子離別情見乎辭  
矣詩凡十首

千里南來賦遠遊寄身天地等浮漚老年不減相如病  
久客那禁宋玉愁薄酒倩誰沽市井還丹笑我問蓬州  
兒男痴弱難為別長夜燈前涕泗流

世家文獻已多年南渡從今又八傳大父隱蒙多善慶  
吾翁求我有遺編麟經早著芸窓學兔窟曾占桂籍先  
薄官相隨憐別汝誰收老骨向林泉

當年攔道憶牽衣千里長淮恨不歸庭下芝蘭空雨露  
山中橋梓自光輝源流幸喜箕裘續孝養何慚菽水違  
待汝歸來成一笑須憑寸草報春暉

滎陽家牒世多聞手足誰知一氣分季弟廣西仍作縣  
先兄地下已修文故園籬落荒秋雨先隴松楸映夕曛

冰雪尚存書帶草青春有待續餘芬

身言書判唐朝事巖谷蒐羅廣用儒若使免孩膺此薦  
不知等輩欲何誅龍翔義馭鈞韶奏鷺肅周行佩服趨  
應有萬年長策在臣微亦欲辨姦誣

選士從來鑒別精猖狂敢瀆部曹聽老生不解通三傳  
小子何能習兩經郡守遣符親勸駕舟師戒道候揚舡  
虛聲無用人傳笑何似生來不識丁

五十年來奈老何客中誰復慰沈疴錢慳子母今垂罄

藥用君臣近較多疏廣乞骸歸海島杜陵病肺卧江沱  
紛紛前烈空千古愁絕青山落日過

山城獨卧碧雲深把鏡頻嗟鬢雪侵俸米無餘貧亦好  
丹砂有約病難禁浩歌夜半悲彈缺勝賞年來負盍簪  
造化小兒真薄相青衫竟老歲寒心

夢裡還家夢忽醒山中松桂倍留情長生欲得烟霞術  
古學寧推月旦評興熱可容詩作祟愁來祇仗酒為兵  
教官亦預斯文寄投老猶能頌太平

故人相望碧天涯  
淮水湯湯去路賒  
萬疊雲霞仙客洞  
九重宮闕帝皇家  
鳴珂尚記金張里  
奏賦誰開屈宋衙  
鴻雁有書煩寄遠  
晚霜閒付滿園花

余在臨淮種菊數百本

洪武丙寅四月十二日過廣信訪濶齋鄭先生出示  
兒十首詩讀之令人悽然  
蓋小雅發乎情止乎禮義  
之作也  
遂為書一本以遺其子復昇彥  
心俾朝夕觀之以篤其孝養之志  
云大雅書

次韻史憲副行可見寄

上國歸來月滿軒東湖水萬家村極知杜甫心常戀  
須信張儀舌尚存繡斧從今還使節鼎台當復大名門  
舊時太白樓前路蝴蝶春風遠故園

往日曾過傍水軒長橋古木藹雲村廣文尚覺襟期在  
丞相多應世澤存燈火論交重解榻松蘿託好喜登門  
老來復作江湖別花竹何如獨樂園

寄鳳陽府斯文諸君子

胡闕

教授

中都掌教冠諸儒堂上春風散佩琚未擬識荆慙太白  
可應慕蘭愧相如世家重紹甘棠笏手澤多傳漆簡書  
明越同鄉天咫尺暮雲頻倚客窓虛

趙默仲先生

故國王孫老翰林紅顏白髮映華簪文明曾際千齡運  
經濟常存百歲心琥珀香浮稱壽酒裋裼價重賣文金  
同鄉久有通家契風雨相思過夜深

沈文舉先生

天葩織就錦雲機五十年來鬢未絲  
花館停驂多好客  
柏臺冠豸有佳兒  
菊松晚節陶尊泛  
芹藻春香馬帳垂  
老我尚耽丘壑趣  
丹青好寄鴈來時

賴思順先生

盛時美產見真材  
浩浩長淮教席開  
帝里輝光依日月  
禹門變化待風雷  
尺書每欲從人寄  
匹馬何當訪我來  
聞說今年催滿考  
青雲送上鳳凰臺

洪希羽教諭



委羽仙人老見招中都庠序近雲霄聖神有赫瞻龍袞  
俊選同趨颯佩瑤苜蒭盤空朝日上庠房歌罷晚香飄  
客中那得重相見千里空令悵望遙

劉思溫

昔年樽俎共論文玉漏遲遲夜欲分百歲襟期憐鄭老  
萬言大對重劉蕡青藜光動天邊月綠綺聲隨水上雲  
愛弟舊誇真御史賜環當復覲明君

郭道裕

家本汾陽世胄遙淮南却赴小山招雲垂絳帳書連屋  
月滿紗窓酒泛瓢富貴祇應如昨夢英雄聊復話前朝  
別來兩見春風換誰與空齋慰寂寥

方叅政文敏

健筆雄詞李杜間相逢千里即開顏舊誇富貴雄無敵  
老覺光陰祇等閒芸草香凝瑤帙潤土花暗蝕劍痕斑  
盛時文武須經濟莫戀淮南大小山

姚宗文

長淮晴漲白鷗波仙客風流可奈何  
化蝶蘧蘧占昨夢騎鸞踏踏聽空歌  
青裁汗簡充邊笥紅染朝衫試越羅  
矯首城南天尺五風詩休賦考槃阿

夏士良先生

往事繁華一夢中風流誰識夏黃公  
醉傾桑落香浮席步遶梅花月掛空  
信筆文章綦北海滿船書畫米南宮  
舊時五里橋邊路杖履何由野趣同

吳孟周

延陵季子最風流  
琴劍飄飄上國遊  
每把篇章誇李杜  
時將波磔辨虞歐  
諸生講下齊襟佩  
具慶堂深肅鐸羞  
聞說蠻官新幣聘  
西風遙想菊花秋

姜叔信

飛熊家閥素多儒  
手澤流傳積慶餘  
海寓共誇醫國手  
仙人曾授活人書  
菊泉滿尺香仍冽  
杏苑仙葩畫不如  
老病無緣重會面  
神丹誰寄錦囊儲

陳仲良

翠竹離離一徑分  
石牀清思渺秋雲  
寫成唐宋新圖障  
識得商周古篆文  
金縷詞工春欸乃  
寶爐香熱晝氤氲  
舊時雅致今何似  
坐對靈山若識君

次韻答姚宗文見寄

浮庵居士號多文  
織就天機五色雲  
譜族遠從虞帝出  
經傳長仰素王尊  
圖南擬奮孤鵬力  
冀北須空萬馬羣  
尚想淮山風月底  
也因詩派續江村

榮陽外史集卷九十二